

BĚHAWA

čo. 17

- a) žona, kotraž maraton běha
- b) chorosć, hdyž dyrbiš nastajnosći na nuznik běhać
- c) něchtó, kiž wšitko pěši čini

Prawa je wotmołwa **b**.

Běhawa je jedyn z wurazow za njeprějnomnu wěc: Njepřindžeš hižo z nuznika. Ekskrementy su židke, běžite, tuž dyrbiš stanje na nuznik běhać abo na nim sedžeć, doniž njeje wšitko wuprózdnjene.

Takle móžeš to tež prajić:

běženje, židlawwa, fudrawa

Wšitke štyri wurazy hodža so paralelnje wužiwać, w pisomnych žórlach jewi so najhusćišo słowo „židlawwa”. Wobchadnorěčnje prajimy tež, zo ma něchtó srawu.

Rjeńše je wězo wuprajene, zo ma něchtó ćeníku přazu (ale to wěc tež njepolěpši).

Přikłady z rěčneho korpusa:

„Ja wěm”, posmja so wuj Herman wjesele, „dopomnju so na wulke rozhorjenje na Tachantskej šuli loni nazymu, dokelž bě tam pječa w jednej stwě tyfus abo cholera abo *běhawa* wudyriła.” (Bohumila Šretrová, Chcu domoj. Budyšin 1983)

Někotre ze zwěšćenych algow wubudžeja pola čłowjeka schorjenja kože, a štóž wodu póžera, móže na *židlawu* schorjeć. (Serbske Nowiny 2005, julij-september)